



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 3. Quid requiratur ad incurrandam Excommunicationem ob Clerici
percussionem, & an & quando ignorans vincibiliter esse Clericum, quem
percutit, nihilominus Excommunicationem incurrat?

urn:nbn:de:hbz:466:1-41144

Ad propositum igitur Q.R. in dubio, an levis, ane gravis sit percussio, seu injuria, propendum, judicandumque est, esse gravem, seu atrocem. Ita cum Navar. in man. c. 27. n. 92. Molina D. 57. Suarez de censur. D. 22. S. 1. Pal. tom. 6. D. 3. pun. 23. §. 4. alisque communiter apud Dianam p. 9. tr. 4. R. 46. colligiturque ex Extravagante Perleonis, apud Navar. & Molin. l. c. cuius haec sunt verba. *Perleonis &c.* respondemus, percussione levem esse pugni, palmæ, manus, pedis, baculi, aut lapidis, quæ nullam maculam, neque Suggillationem carnium relinquit, neque absindit membrum, sine effractione dentium, sine evulsione multorum capillorum, sine effusione multi sanguinis. Nolumus tamen dicere, quod hujusmodi levis percussio, vel pugni, vel unguis, fiat atrox ob multi sanguinis effusionem. Ad judicandum tamen, quæ lesio sit levius, mediocris aut enormous, volumus diligenter perpendi non solum factum, sed etiam qualitatem ejus, & modum percutiendi, & laeden- di cum omnibus suis circumstantiis loci, personæ, & aliis. Personæ, si est Magister, Judex, pater, patronus, aut dignitas, percussus iniustè à subdito, aut alio se viliori; quia ex hoc interdum censemur graves injuriæ, quæ ex se sunt leves, aut mediocres. Et quia conditio negotii non patitur integrum determinati- nem hujus rei, relinquimus tuo arbitrio, ut declares, quæ sit levius, & quæ enormous injuria, admonentes, ut potius de- clinas, in dubio esse percussionem gra- vem, & ab ea non posse absolvere, quam,

declarando levem esse, occasionem pra- beas laedeni Statutum Ecclesiasticum. Ne scilicet hujusmodi Clericorum percussores, & injuriæ inferentes de vicina, & facili absolutione ab Episcopo obtinenda confisi, facilis, ac frequentius in atrocis prorum- pant percussionses.

Ad 3. Q. R. Ad hoc, ut ob ma- 340
nuum violentarum injectionem in eum, qui hoc privilegio gaudet, incurritur haec excommunicatio, necesse est 1. ut talis injectio fiat suadente Diabolo, hoc est, ut fiat illicitè sive ex natura rei, sive ex ju- ris humani dispositione. 2. Ut sit culpa lethalis, quia excommunicatio major, qualis etiam haec est, non incurritur, nisi ob culpam mortalem, ut docet communis DD. cum Navar. in Manu. c. 27. Sylvest. verb. excommunicatio, Cajet. Molina l. c. Unde non incurritur hanc excommunicationem duo Ec- chlesiastici jocosè se invicem per- cutientes, et si aliquid iræ, & appetitus vindictæ interveniat, modo tamen attenta qualitate percussio- nis, attentisque aliis circumstantiis praesentibus non intercedat culpa lethalis: ut neque Lajcus gravi- ter quidem percutiens Clericum, sed ex subito iracundia motu, ani- mo omnino non, vel non plenè advertente, ad id, quod agitur, seu non libero libertate ad peccatum mortale sufficiente, prout ad illud non sufficiunt motus primò pri- mus, & secundò primus. 3. Requiri- tur

tur notitia personæ hoc canonis privilegio gaudentis, seu ut scias eum, quem percutis, esse Ecclesiasticum, esto erres, in persona Clericali, ut si existimes esse Petrum, quem percutis, cùm sit Paulus, ubi censuram Excommunicationis propterea non effugies, sicuti cum aliis rectè annotavit Co-var. in *C. alma*, p. 1. §. 10. & argum. l. cum qui, §. si *injuria*, ff. de *injuriis*. Contrà verò si volens percutere Petrum, ab eo aberres, & casu sive præter intentionem percutias alium Clericum proximè astantem, liber eris ab hac excommunicatione, ut cum aliis docet Suarez *D. 22. S. 1. n. 54.* Ratio discriminis est, quòd in priore casu voluntariè percutias hominem, quem scis esse Clericum, in quo tota ratio consistit, ob quam hæc canonis excommunicatione lata est, utpote quæ pro injectione manuum violentarum lata est, non verò pro injectione manuum in hunc, vel illum Clericum. In posteriore autem casu voluntariè non percutis hominem, quem scis esse Clericum, siquidem, ut ponitur, à Clerici intenta percussione aberrasti, & alium casu proximè astantem præter intentionem, & involuntariè percussisti. Ratio autem cur predicta notitia personæ Ecclesiastice requiratur, est, quia quando datur ignorantia invincibilis alicujus circumstantiæ, ex qua oritur aliqua culpa, pro qua

imposita est certa poena pecuniaris, & propria illi culpæ, tunc quemadmodum ea circumstantia excusat omnino ab illa culpa, ita excusat etiam ab ea poena protali culpa statuta. Quod ipsum expressè deciditur *C. si verò 2. de sent. excomm.* Ubi qui injustè occidit Clericum comam nutrientem, quem ea de causa invincibiliter ignoravit esse Clericum, immunitis pronunciatur ab excommunicatione.

Ad alterum, quod additur de ignorantia vincibili, R. sub distinctione¹, & siquidem percutiens Clericum ignoret vincibiliter esse Clericum ignorantia tali, seu adeò crassa, ut prudentis arbitrio, & spectatis omnibus circumstantiis occurrentibus non excusat à lethali culpa sacrilegii, excommunicationis poenam non effugiet, qui manus violentas injicit in personam Ecclesiasticam; cùm enim excommunicatione hæc imposta sit manus lethaliter injicienti in eum, qui privilegio canonis gaudet, & ignorantia, quòd aliquis eo privilegio gaudeat, spectatis circumstantiis occurrentibus adeò crassa sit, ut à culpa mortali sacrilegii non excusat, neque excusabit ab excommunicationis poena pro ea lethali culpa Statuta, prout etiam colligitur ex *C. ut animarum de confit. lib. 6.* ubi ignorantia crassa, & impina non excusat ab Excommunicatione.

Quòd

Quod si ignorantia talis sit, quæ spectatis circumstantiis à mortali sacrilegii culpa excusat, solumque venialem sacrilegii culpam inducat, ab excommunicationis pena immunis erit, quia, cùm ad incurram excommunicati

tionem majorem, qualis hæc est, requiratur culpa lethalis, ut supra insinuatum est, & ignorantia illa vincibilis culpam duntaxat veniam inducat, ab excommunicationis pena haud dubiè excusabit.

CASUS LX.

De Excommunicatione ob factam occultam compensationem.

Ortum ante paucos annos incendium in domo cuiusdam personæ Ecclesiastice in dignitate constitutæ magnam illius partem absumperat, totam utique in cineres redacturum, nisi ab acurrente populo brevi fuisset extinctum. Cùm autem occasione extinctionis multa à multis fuissent clam ablata, & occultata, institutus persona illa Ecclesiastica apud Episcopum, ut Excommunicationem ferret in eos, qui ablata, & occultata non restituerent, quod & factum est. Unde cùm & Marchesinus opifex, cui persona illa Ecclesiastica debebat ultrà centum florenos, non nulla occultasset, secundumque domum asportasset, ea retinuit in compensationem solutionis debiti à dicta persona alias ægræ obtainendæ.

QUÆR. I. An Marchesinus Opifex teneatur ad restitutionem, & non restituendo à se ablata, & occultata incurrit Excommunicationem latam in non restituentes?

QUÆR. II. An, si Judex interroget Marchesinum sub juramento, an aliquid occultaverit? possit id negare, & si fateatur, vel alias compensatio innotescat Judici, & condemnetur, teneatur in conscientia solvere panam, ad quam ob factam compensationem condemnatus est?

QUÆR.